



D. O. M.

POSITIONES ANATOMICÆ

ET

CHIRURGICÆ.



SOLIDIS & fluidis constari corpus humanum nemo nescit. Ex partibus solidis, aliæ molles, aliæ vero duræ; duras seu Ossa cæteris omnibus quasi fundamentum & fulcrum præbentes, innumeris affici læsionibus constat, ex quibus non nullis, nisi Chirurgiæ præsidio protinus debellarentur, brevi temporis spatio totius machinæ detrimentum enasceretur.

Ex omnibus morbis ossa afficientibus, alii contiguitatem, alii continuitatem lædunt; Luxatio, Anchilosis, Distortio, ligamentorum affectus & Diastasis contiguitatem; Fractura verò, Caries, Curvatura, Mollities, Exostosis & Nodus continuitatem ossis potissimum fauciare dicuntur.



UNUM ex his tanquam frequentiore, fracturam scilicet ; omnes inter eligendum nobis apparuit ; cùm autem in longum nimis singularum protraheretur fracturarum descriptio, de cruris fracturâ tantùm modò solliciti, quid quid ad rem spectat attingemus.

QUATUOR in partes extremitatem inferiorem, in Femur scilicet, Genu, Crus & Pedem dividimus ; at cùm præsertim de Crure hic agendum incumbat, ipsius divisionem, compositionem & structuram, quantum in nobis erit, exponere conabimur.

SOLUTAM à causâ quâlibet contundente ossis continuitatem ; cum authoribus fracturam appellamus.

FRACTURARUM species aut differentias, tum ab ipsarum essentia, figurâ, ossium parte, tum deniquè ab accidentibus desumendas stabilierunt Chirurgi Antistites.

TIBIA & fibula, vel simul, vel separatim, in eodem diversæ punctis, cum aut sine accidentibus effranguntur ; hinc in simplicem, compositam & complicatam dividi solet fractura.

MODÒ transversè, modò obliquè, modò partim obliquè, partim transversè, quandoquè etiam comminutum, & juxta quosdam fissuræ ad-instal effranguntur ossa, indè varia sortiuntur fracturæ nomina.

EXTERNAS fracturarum causas tanquam efficientes admittimus, ictus nempe, lapsus, nixus, & quæcumque ossa disumpere & collidere possunt ; internæ tamen ut remotæ & prædisponentes apud omnes spectari solent.*

FRACTURARUM signa alia æquivoca, alia certa ; æquivoca ex dolore & motûs impotentia ; certa verò ex auditu, visu & tactu, seorsim aut simul sumpta oriri perspicuum est.

IN primitiva & consecutiva fracturarum Cruris accidentia ordinantur ; primitiva in Dolore vehementi, Vulnere, & Hemorrhagiâ ; consecutiva in Convulsione, Pruritu, Febre, Inflammatione,

* Vide inter alias Observationem celeb. Saviardi LXII. pag. 274.

Abſceſſû , Gangrenâ , Paralifi , Atrophîâ , Anchiloſi , Calli & partis deformitate conſiſtere neminem latet.

PROGNOSIM fracturarum , pro ſimplicitate , compoſitione , complicatione , figurâ , ſitû , ægri ætate & temperamento , plus minusve periculofam quis non exiſtimaverit ?

TRIA in fracturarum ſimplicium curationem præſertim veniunt , effracta ſcilicet adunare , adunata continere , contenta deniquè ab accidentibus ſervare ; triplici modo adimpletur adunatio , extensione nimirum , contra-extensione , & conformatione ; retentio & conſervatio partium fracturarum , tum deligatione , tum ſitû ritè adhibitis ; accidentia demùm artis auxilio haud infrequenter præcaveri poſſunt.

SI contrita fuerit oſſis ſubſtantia ; ſi laniatæ fuerint carnoſæ partes ; ſi ſanguiferi tubi liquidum vitale profundant ; ſi Tumor adſit ; ſi intentiſſimus dolor ægrum exagitet ; ſi moroſi prurigine pars verminet ; ſi faviant febris & inflammatio cum apoſtematis periculo ; ſi immineat gangrena ; ſi Nervorum vel reſolutio , vel diſtentione ſecuta fuerit ; ſi demùm ſucceſſerit Atrophia , vel Anchiloſis ; tunc ritè ſanari non poterit fractura niſi unicuique accidenti congrua ſubminiſtrentur auxilia.

Oſſium comminutioni , fragmentorum aut extractio , aut in ſtatû naturali , pro re natâ , idonea repositio.

AD refarciendas Carnes , debellandaque plurima ex prædictis accidentia , faciatiorem duodevienti capitibus ordinatam ut prævalentem admittimus.

INFLAMMATIONI ſorus emollientes , phlebotomia ; Hemorrhagiæ compreſſio , ligatura nonnunquam & ſtiptrica ; Dolori & Convulſioni legitima partium reductio , venæ ſectiões ; Pruritus aquoſæ & tantisper ſpirituoſæ fomentationes ; Febrî tenuis vitæ ratio , venæ ſectiões ; Abſceſſui haud intempeſtivus purulenti liquaminis exitus ; Gangrenæ ſpirituoſa , ſcarificationes , inciſiones ; Anchiloſi , ut dicunt , imperfectæ , partis blandi frequenterque repetiti motus , balnea , diluentia ; Paralifi & Atrophîæ ſtimulantes & calidæ frictiões , aquæ thermales , &c. occurrunt & adverſantur.

Si, ingravescente malo, therapeiæ inanis prorsus evadat energia; si sphacelus Gangrenæ successerit, ad extrema recurrendum, pressiori que pede partis necrosi obviet Amputatio.

REMISsis verò accidentibus, ne quid calli generationi obfit sedulò providendum; hoc pro ossis naturâ, volumine, substantiæ deperditione, ægri ætate temperamento, fracturæ sitû & figurâ, succorum indole, citiùs feriùs ve haud deforme ferruminabitur, si opportunè & ut par est appositus contentusque fuerit apparatus.

MIRAM autem calli fabricam succi ossis nutritii ope, ad unius cujusque canaliculi extremum guttatim & circularim depluentis, cum Neotericis efformari contendimus.

Has positiones, DEO JUVANTE, & præside M. FRANCISCO-MICHAELE DISDIER, Artium Liberalium & Chirurgiæ Magistro, tueri conabitur JOANNES SEREIS LASCURIENSIS, Artium Liberalium Magister.

P A R I S I I S,

IN REGIIS CHIRURGORUM SCHOLIS.

Die Sabbati 13^a. Novembris à sesqui-secundâ post meridiem ad septimam. Anno Domini 1751.

P R O A C T U P U B L I C O

Typis DELAGUETTE Regiæ Chirurg. Academiae
Typographi 1751.